




江上孤忠錄



光緒辛卯  
刊於赤溪

重刻江上孤忠錄序



江陰當明社既屋之後尙堅守八十餘日士民卒以死  
殉忠義大節炳耀天壤而能奉典史閻陳二公以力持  
城守計者尤推邑人中書戚勳貢生黃毓祺諸生許用  
爲最蓋其忠勇奮發復有謀略以濟之所謂同心死義  
固非苟焉已也事之始末見明史侯峒曾傳但略而不  
詳此外如江陰縣志明季南略計六和眾乘城略閻應  
閻公死守孤城狀黃暉閻典史傳邵子湘江義史事實有典撰

江上孤忠錄

重刻序

紀略成仁譜風鶴紀聞乙酉紀事江陰城守記江上遺  
聞及江上孤忠錄諸書體例不一大抵以韓菼之江陰  
城守記爲最詳以事分以黃明曦之江上孤忠錄爲最  
繫月日

著惟皆載三王九將被害事爲嘯亭雜錄所譏城守記  
已刻割駝逸史中孤忠錄傳本互異且詞多不雅馴余  
輯江陰遺書祇刊沈濤之江上遺聞上年繆編修荃孫  
以金山錢氏補刊藝海珠塵本之江上孤忠錄寄示蓋  
黃明曦原纂而先師黃先生懷孝及龔君丙吉所重訂

者芟蕪翦歲條理秩如武祥復爲節剛數十字以付手  
民庶幾實而不夸潔而不雜可以輔正史而垂後世此  
則區區表揚忠義之心傳舊而更冀其傳信者韓菼城  
守記序有云乙酉之事不忍傳實不忍不傳

聖朝寬大微臣

錫以通諡士民許以祠祭匪曰仇之直甚予之嗚呼二  
百數十年後仰戴

皇仁是又搜尋遺蹟者所當爲之感激欲獻而不能自

江上孤忠錄

重刻序

一一

己者也光緒十七年辛卯二月邑人金武祥

序

江上孤忠錄記閻忠烈公死守江陰城事也相傳爲邑人黃明曦撰嚮無刻本二百年來抄傳互異余友武進黃君懷孝龔君丙吉

原名元鐸

羅訪舊聞芟蕪徵實哀集成

編于以扶植倫紀揚挖幽光有功臣鵠匪淺也嗚呼乙酉之際吾邑之被慘戮至矣桀犬吠堯事多隱諱故斯錄亦未大著今荷我朝浩蕩之德於乾隆四十一年欽奉

江上孤忠錄

繆序

純皇帝恩旨閻陳馮戚諸公業旣易名予祀矣今

上御極後邑人士復以邵康公等一百三十八人籲中丞陶公奏請於

朝附祀閻公之祠亦奉

俞旨准行

綸音頒到之日爲今

上道光七年丁亥八月二十四日丁酉距故明宏光乙酉八月二十四日庚子實一百八十有三年甲子三週

孤忠煥發而後月日若合符節嗚呼天人相感之際不  
其微哉

徵甲

幸生是邦聞風興起尤樂躬逢

熙朝曠典爲亘古所希有感龔黃二君表徵之意爰鼓  
舞奮興而爲之序道光丙午八月繆徵甲撰

江上孤忠錄

繆序

二

序

江陰之在

國初固所稱忠義之鄉也

王師南下所下名城以十數然皆拉朽摧枯不旬日而定江陰獨以彈丸黑子抗

王師二十餘萬死守八十一日卒之斷脰絕曠無一人降者則閻陳二公之所激發也雖然二公之在勝朝一典史耳主亡國破竟死何裨且誰責以必死者而二公

江上孤忠錄

黃序

一

顧錚錚若是何哉竊嘗論明祖之有天下同符漢高甲申之變思宗身殉社稷亦爲自來亡國之正獨惜赧王之立如蛇有足亦畫虎不成南都再陷未聞損一兵折一矢而降車已出石頭城矣嗚呼此二公之所痛心而欲一雪其恥者也余昔讀邵長蘅閻公傳及黃曦死守孤城狀輒唏噓泣下恨不得其詳比得黃明曦江上孤忠錄事蹟略具矣而其言多不雅馴友人龔君丙吉爲之剪其蕪疏其滯重加排纂會有徵刻是書者君將有

遠行屬余校讐之役余乃得而論次焉嗚呼天下之太平久矣江上事若渺若沒微是書也孰與瀝一城之碧血乎後之覽者當有感於斯文矣道光二十六年歲次丙午二月二日武進黃懷孝序

江上孤忠錄

黃序

二



江上孤忠錄

粟香室叢書

江陰黃明曦原纂

武進黃懷孝武香  
陽湖龔丙吉少卿重訂

我

大清順治二年為故明宏光元年乙酉夏五月豫王師

下江南南都陷赧王出走降總兵劉良佐劫之以獻良佐

明四鎮封廣昌伯劫赧王事見義史前御史劉光斗迎降受命安撫常州

前知江陰縣事林之驥哭廟解印綬去參將張宿海防

程某縣丞胡廷棟繼之學使朱國昌兵使馬鳴寔逸典

江上孤忠錄

史陳明遇與訓導馮敦厚都司周瑞龍謀起義無由集

兵相對以泣見事實六月二十四日新令方亨至盡收民

間器械先是明福建勤王師為王師所敗逃之江上以器仗賤價求售鄉民爭市之至是亨盡收焉

見事實用主簿莫士英之謀也方林令去時士英繳印敕

因納善馬於劉得權知縣事至是與亨黨二千七日下午

薙髮令限三日違令者死二十八日方令出示曉諭是

時民懷故國恩老幼皆矢節義莫肯降者二十九日北

外鄉耆何茂邢周順邦季揚芬季茂薛求揚起章榮等

公呈請縣詳憲留髮亨呵之眾大譁見記閏六月朔亨

謁文廟召眾至申前令諸生許用揚言於明倫堂曰頭

可斷髮不可薙也眾皆應聲和亨無奈之遂罷去日晡

北外鄉民季世美季孝王試何泰等首事起義見事至

縣署前適效順學使宗敦家人前來眾大詬曰此降賊

僕也斃而焚之墀下或曰亨老師無錫蘇提學家人來

耶眾憤甚遂斃道喜者見眾呵曰羣囚敢爾欲死

至是始怯許眾備文詳請免江陰薙髮眾稍稍解去

亨乘間陰請兵於王吏知告眾眾怒遂執亨見紀事

江上孤忠錄

暮舉人夏維新諸生沈日敬等十三人為請乃聽回署

翌日四鄉聞風響應頃刻數萬人集較場議事亨皇遽

出乘傳登君山安民盛稱江陰義勇且自引咎日向誤

聽陸承差言故至此眾討陸陸遁毀其家見江上殺士

英前所使察院外騎兵二人見紀知府宗灝行文諭解

拒不納設高皇帝位於明倫堂誓眾起師推典史陳公

為主陳公浙明日部署戰守事發太祖所藏火藥器械

屯兵葫橋夏港防我兵西入守備陳瑞芝欲降與其子

夜半踰城出執而錮之分兵四門巡察獲偵者時隆鞠  
知知府將輕騎來襲遣七十人伏城中爲內應遂窮搜  
各寺獲之梟首六十有奇隆詞復連武弁王龍卽收龍  
并瑞芝斬之而宗灝兵果至土人敗之秦望山下又獲  
所遣乞師者搜出地圖一紙上書進兵途徑及諸山瞭  
望埋伏處並供沈曰敬及書吏吳大成任粹然等在馬  
三家協謀屠城狀曰敬逃磔大成等於市

見閩  
公傳

宗灝兵

既敗乃以事聞專閩豫王命劉良佐領兵千餘出常州

### 江上孤忠錄

三

水師統兵官王良亦率舟師進發城中巡守愈嚴獲細

作二人於西門月城審視門鍵鎖鑰皆壞執訊守門兵

得其通謀狀俱斬之城下初九日城中發兵迎拒季世

美率北門驍勇先行日中至申港將蓐食或傳大兵

相距止六七里奮呼而前抵暮始遇眾皆餒乏戰於虞

門大敗世美陣亡

見紀  
事

明日復出四鄉義勇咸集良佐

兵次虞門王良舟師進至雙橋將登岸田夫拔青苗擲

之舟中泥滑不可駐足半墮水其登岸者悉爲耨鋤所

擊屍浮蔽河河水爲赤陳公以虞門之敗軍行無帥進  
退失律欲起舊遊擊徐觀海觀海病不能行乃聘欒人  
邵康公爲將以遊巡守備顧元祕副之都司周瑞龍駐  
江口爲犄角舉人夏維新諸生章經世王華掌糧餉中  
書戚勳貢生黃毓祺諸生許用等爲參謀

見紀事

殺方亨

莫士英并滅其家以絕內應 大兵進營西門瑞龍率  
舟師駐江口觀望不進索犒于金陳公加數給之乃約  
康公出東門已從北門夾擊康公未出瑞龍敗還十一

江上孤忠錄

四

日 大兵移駐城南明日進屯麻皮橋城中獲偵者二  
人卽時梟示陳公亦遣敢死士出謀至葫橋見我兵列  
礮嚴備伺其懈投之水以一礮復命 大兵三日不至

劣生尹吉謀內應下之獄斬其僕甯安

是日雷震其家觀者見其戎馬

甲士以告遂執

陳公出巡城鄉兵搏戰至城下必開門

之見閭公狀 獎勞鼓以忠義每獻一級公爲下拜各鄉鎮兵日至城

下接仗 大兵所至各鄉兵盡力攻殺有高瑞者爲敵

所縛不屈死是時 大軍兵勢日盛淮撫田仰欲援不

果沙兵數千渡江來援其眾皆淫賭酗酒無固志戰敗遁去自是外援遂絕 本朝兵十萬詣城下掠西門進攻南關康公出敵數失利 大兵遂燒東城大掠城外鄉兵戰多敗乘勝掠北城鄉兵分三面禦之兩兵潰一兵據閭橋力戰得不敗明日 大兵合營復北燒民居轉掠而東大橋東西灣二堡拒之殺其騎將二人泗善港人葛輔弼與其子率鄉兵五百人來援皆沿江剽悍不諳紀律大軍奄至殲焉遂乘銳東下恣掠大橋周庄江上孤忠錄

五

等鄉鄉兵遇之輒潰二十八日良佐復率大軍追殺星散兵自是鄉兵又絕瑞龍亦遁 本朝兵乃專意攻城城中日益危急七月初五日陳公乃專使十六人縋城夜出至沙山請原任典史閻公主盟公諱應元字麗亨直隸河間人崇禎十五年退海寇於黃田港繼又弭鹽盜邑民德之爲肖像社中學使條公績論薦特授都司劉軍前効用爲當事所抑仍循資陞廣東韶州府英德縣主簿會母病未行初變作時陳公以公忠勇有謀略

卽欲迎公守備顧元祕有異志力阻之至是覺之乃誅

祕迎公公奮袂起

劉良佐攻城元祕登城射矢每不及而下其効用馬矮子竊火藥從城上

投外眾疑之因搜元祕寓得眾申田淮撫請兵文元祕

蓋易文緩兵故原文猶在寓中遂誅元祕并効用四十人見

義史初九日鄉兵五千護公至城下公以鄉兵裹糧而

來勢不能久且烏合之眾不足制勝厚犒遣歸獨與家

丁王進忠等四十人入至則發原任兵使徐世蔭曾化

龍所造火攻器具爲用次傳檄巨室輸捐不以白鏹爲

率泉貨百物得估值充數於是圍城中有火藥三百甕

### 江上孤忠錄

六

鉛鐵千石礮百枚錢千萬貫粟百萬斛絮帛千萬端芻

藁萬束鹽萬斤酤千釀牛羊豕千蹄足爲戰守具然苦

乏矢乃於月黑夜束草爲人被軍士服人持一竿竿繫

一燈植立雉堞士卒伏垣內鼓譟外兵望見爭射之得

矢數萬又苦乏油命健兒取椎車納城中給以藏豆膏

火足用公又大料居民城若干堡堡若干戶戶若干人

悉籍之擇驍勇者隸麾下以夏維新章經世王華主芻

糧武舉王公略守東門把總汪某守南門陳公守西門

公自守北門仍與陳公總巡四門初十日令民悉厲刃  
繕甲待命時城中共二十餘萬人以十人守一垛自卯  
至午更十人至酉復更前十人夜復更後十人違者立  
斬又傳齊北關衝鋒營戰士千人揀擇季從孝爲先鋒  
何常執大旂王試掛得勝鼓何泰吹號頭準備衣甲待  
用於是城守之事益密陳公寬厚長者遇戰士勞苦撫  
慰至於流涕有倦而假寐者以利害諭之不輕加訶叱  
公號令嚴肅凡偷安不法必手自貫耳鞭背示眾雖豪  
右不稍貸然疾病死傷必親視湯藥治棺槨哭而殮之  
接見敢死士不名曰好兄弟遇事必詢於眾曰我兄弟  
誰勝此任者有一男子號於路曰我欲殺敵苦無寶刀  
公卽解佩刀與之故皆懷恩畏威瀕死而弗去初城中  
捐輸時商人程璧輸金四十萬爲倡公敬禮之我軍欲  
降璧射書城中許璧知縣事璧爲書拒之詞甚慨切主  
帥知不可動乃伏礮第四鋪將攻城城中矢石並發我  
軍不得進主帥怒命上將九人蟻附而登內斬其四將

餘被創遁去主帥愈奮身獨上一足已跨入城堦內以短鎗拒之主帥以口接鎗舉刀欲砍有湯童子者持鉤鏃鎗力斷其喉又一少年躍起斬其首尸墮城下良佐日索亡帥頭內令輸金以贖良佐如命賣金又使其軍士羅拜城下內以蒲裹頭擲之剖視則黃犬頭也有持物祭奠者內又以儼斃之取其牲牢餉守城士大軍切齒閻公知敵愈怒必大至乃廣爲戰具公之初入城也鳴鼓門鼓壞得弩十相傳誠意伯劉基製青陽民王

明江者善爲弩召至命視所得弩爲之淬以藥百步外命中如志著人立死出陳瑞芝子於獄命製木銃大如斗鑄鐵爲菱菱形三觚實其中每發輒斃數十百人公又自製鐵錘錘類爪能屈伸繫繩以投著人卽攫入斬之又造火箭火毬之類無不曲盡其妙故我軍雖勇向城輒戰栗無人色

見紀略

十二日我大將軍命軍吏招降

公詐許之遣使九人執降旂健兒挽木銃給以帑金詣營送款大將軍喜開營納之火發銃裂鐵菱四散軍士



擊死者無算內傷一帥二將大軍合營舉哀知府宗灝聞而大懼請兵羽檄旁午兵赴江上者日以千數劉良佐率眾掘城東北隅遇火毬火箭眾懼欲退良佐禁止城上石如雨下盡殺之良佐大慚益進兵逼城張牛皮帳自蔽革三重矢石及之皆反跳內以膏油沸穢潑帳帳皆燬及人無不糜爛眾驚走乘勢以鐵槌擣人恣殺頃刻悉遁城下寂然 大軍遂移兵渡北閘橋欲依君

山爲營半渡礮擊之盡殪復由黃田港潛渡登君山礮

江上孤忠錄

九

城中虛實亦爲礮擊撤營去乃屯兵鄧墓林中撤屋木爲浮橋賫雲車置城上三十一處首將銳登中礮死無敢至者內縋人出收雲梯以供薪伐鄧墓林木使我兵無所翳藏十七日良佐移駐十方菴閻公夜選壯士千人突出南門擊良佐營殺傷千餘人比左右營覺追之不及當是時淮撫田仰已從魯王於紹興貝勒引大軍趨吳淞總兵吳志葵受兵窮蹙江上援絕兵部嚴梶守常熟乞師不應嘗遣人乞師義陽營其將顧某帥舟師

駐江口甯其愚亦率兵營沙山偵不可敵皆退良佐見城中聲勢益孤乃遣庵僧跪城下說降公叱退之明日良佐自出約城上發弓釋矢謂閻公曰宏光已死江北皆下無可守者以足下之才轉禍爲福爵豈在良佐下何自苦如此公罵曰應元大明典史耳猶知不事二君之義將軍胙土分茅爲國重鎮進不能恢復中原退不能保障江左何面目藉敵率眾見我邑義士民乎良佐慚退明日又奉命勸降公曰有降將軍無降典史命左

江上孤忠錄

十

右射之良佐策馬馳去

見閻公狀

大兵攻城數失利乃縱

兵東掠祝塘土人禦之兵燹之慘倍於他鎮還次陸家橋有徐玉陽者殺我騎將首重十八斤懸之樹三軍皆股栗其樹至今存云

見遺聞

貝勒既定淞江乃悉所部兵

二十萬來江上縛降將黃蜚英吳志葵長跪城下勸降志葵涕泗交頤閻公叱曰大臣被執當速死報國安用

生爲皆再拜泣去

或云我軍詭設二將至城實非黃吳二將見閻公狀

貝勒進攻

益急礮聲徹夜城垣五處裂鐵丸著閻公左臂猶握槊

格殺數十人乃以衾漬水覆城上又以空棺實土障垂  
壞處自是戒備愈嚴公與陳公日夜坐卧城上是日城  
中死傷甚眾有隨礮去而身不仆者有胸背洞穿猶屹  
然僵立者我軍歎其神勇

見紀略

閻公每旦巡城一人執

大刀以隨公狀貌雄偉美鬚髯目細而長雙眉卓鑿見  
者以爲天神又昇諸廟神置城上以磁石捻神鬚刀兵  
所指神鬚輒張見者皆驚怖良佐令其子攻城適當睢  
陽神像內曳神手指麾手舉礮發佐子斃焉城破良佐

江上孤忠錄

十一

砍睢陽神頭眾軍又砍高巷寺巷二東平王頭以洩其

憤云

見紀略

自二十後風雨夜作城上黯無燈火眾皆哭

公禱於睢陽神忽有光四起如晝咸以爲神助二十八

日礮擊北門城裂閻公右臂傷二十九日大兵又至

公命人納一石須臾山積護城數重大兵轉攻南城一

晝夜盡火藥萬五百斤城幾陷大兵乘勢登城內發礮

擊之傷數千人大兵亦發礮應之礮忽回擊傷馬步兵

無算大兵又列巨礮將攻西北城閻公親偵之一帥

方踞坐中營號令諸將有湯三老者絕有力公命負大礮匍匐而升當大營主帥公審視的親焚火開礮礮驟起沙石煙焰障天合營俱燼帥失所在惟縑靴黃蓋自空墮而已我軍人人懾息惟向城哭八月二日內又遣周詳金滿夜出燒營營中大創師還賞詳等功夏維新素不理於口至是又剋賞銀斬以徇命許用掌芻糧

本朝兵相持久死亡接踵亦頗厭兵適楊舍守備沈廷模斂民錢賚牛酒至良佐營良佐善遇之令披髮跪城

江上孤忠錄

十三

下勸降不許貝勒遣使進 大清旂四曰懸此卽不薙髮亦釋兵去第斬四門首難者餘悉宥不誅閻公曰主辱臣死獨應元可斬耳眾何罪且吾邑十萬人同心誰當首難者因遣諸生朱暉吉督老王尋吾等四人縋城出報良佐親勞以牛酒曰吾王帥重閭君汝邑歸命第遣使按圖籍而已秋毫無所犯也臨行各贈五金使歷觀各營軍容暉吉等至固請降公斬之初八日攝政王傳諭招安明日豫王射書城中略曰明已亡叢爾城何

苦死守閭君義士百姓可憐幸爲若等降不報王海防  
自謂居郡有恩詣城下勸降皆不聽初八日大雨至暮  
不止 大兵緩攻內乘間修城初九日登南城十二日  
又登北城城中食幾盡乃徵民間元米備乏命二日一  
給毋得預領民雖食不再飽無降意貝勒偵知其情欲  
留兵四萬爲久困計良佐不可乃止 見紀事 十三日給民  
間賞月錢期至十七然後已城中民攜酒登陴分曹快  
飲許用作五更轉曲令善謳者歌之和以刁斗十五日

江上孤忠錄

十三

夜天無纖雲皓月皎潔旌旗不動劍戟自鳴忽歌聲發  
於城上城外倚壁聽之或悲歌或怒詈慷慨激烈期於  
必死良佐乃作勸降歌命士卒倚聲和之與僚佐飲帳  
中聽歌爲樂忽城上礮弩俱作良佐出不意大驚倉皇  
避去是日也良佐幾不免越二日 大軍又多方招降

城中誓死不屈守益固

見事實

十九日貝勒從四十餘騎

繞君山相地勢城上望見急發礮數十騎俱盡貝勒僅  
以身免乃於夜作土壟避矢石伏所獲金陵大礮將攻

南城有異僧謂之日此芙蓉城也蒞在東北城隅必於此進攻乃破從之遂移礮花家垣盡力專攻東北城是日大雨如注礮聲曉夜不絕震驚百里二十一日有紅光一縷從土橋直射入城中城遂陷先是城上民畏礮猛見然火卽伏垣內礮聲絕方周麾而登我軍知之乃於烟焰中蜂擁突上眾不及禦然猶列陣城下相持至暮陣亂我軍始下

見紀略

城既陷陳公巷戰力屈遇害猶

握刀僵立不仆

見閻公傳

舉家自焚男女共四十三人閻公

江上孤忠錄

十四

坐東門敵樓索筆題門日八十日帶髮劾忠表太祖十七朝人物十萬眾同心死義留大明三百里江山題畢遂跨馬率麾下千人盡力死鬪勒馬巷戰者八公傷甚願謂從者日爲我謝百姓吾報國事畢矣遂投前湖水中

見閻公狀

水淺不沒頂卒見公髮浮水上出之縛送良佐

良佐愛公才嘗欲生致公故士卒不敢害良佐方踞坐

乾門殿見公至躍起兩手撫公肩而哭公日有死耳何

哭貝勒時在縣署急索公公至大罵不屈卒刃公腰血

湧而仆日暮擁至棲霞庵庵僧夜聞呼斫我不絕口已而寂然公遇害家丁十餘人皆從死義民陸正先亦從

公死

見紀事

時我兵有宿棲霞庵者義民某伏佛後出不

意殺之遂踰城出竟得脫

見遺聞

先閻公之出也母猶居

沙山及卒軍中聞訃公哭盡哀夜坐帳中輒自呼曰不孝不孝公有二子民望士望其後渡江沒水死有惟心

上人者在圍城中嘗左右公公所著有和眾乘城集臨

難以授惟心惟心授江陰黃仔蕪云

見閻公狀及風鶴紀聞

方城

江上孤忠錄

十五

之初陷也民皆巷戰北城民戰尤力殺傷數千人季從孝死焉東觀西觀大街中街蔣家巷互殺死者數千人貢生邢介繁家奴善投石子偽爲替者遇我兵過輒投之殺十餘人居民劉敬泉與弟某丁才王壽所殺猶多二十二日民猶巷戰我軍以火攻盡殲之民皆駢首就死有韓某者手刃三人力竭自刎死訓導馮敦厚朝服自縊於明倫堂中書舍人戚勳與其妻子女媳七人俱焚死今大街戚公祠其殉難地也諸生許用與其妻李

氏長子謙亨次媳林氏甥女二婢僕十一人皆焚死許  
第有旅客僦居將舉火辭客使行客曰主人自焚客將  
焉往與俱死惟許用次子奉母命存許氏血食匿壁中  
火起牆裂出投玉帶河遇救得免民人方啟揚朱見亭  
皆闔門自焚死男女殉難者溝渠門巷皆滿姓氏不能  
備悉其可紀者諸生章明敘林鳳儀黃楷史補袞管士  
元耆老某應乾蕭憶江高旭陸慎所高應麟王肅衷趙  
少泉薛啟方季惟明錢永王秀徐彬邢漢陳憲忠顧瑜  
江上孤忠錄

六

齊程章懋學懋才等俱不屈死

見紀略遺聞閩公狀風鶴紀聞等書二十

三日收獲逃亡者盡殺乃止王明江被執殺騎卒而逃  
竟死牖下是役也守城八十一日 本朝兵至城下者  
六萬七千有奇巷戰死者七千有奇通計 本朝死事  
者七萬五千有奇而江邑之死者且不可勝數矣二十

四日班師還

京

國朝縣丞卞化龍命兒尸焚瘞浮

屠印白卽貢生黃毓祺也爲築萬骨塋屍骸露積者皆  
掩之九月遠方民稍至惡弁某誣以戕官害民酷刑求



賂民間訛言再欲屠城惶懼不敢入縣官撫慰懇至乃  
始來歸雍髮之日哭聲震野後貢生黃毓祺謀恢復於  
順治三年八月十五日夜半起兵事泄守備陳服遠帥  
師討之敗走逮至金陵不屈死

江上孤忠錄

後序

余觀二公之守江陰與唐張巡許遠之守睢陽何相類也然遠是時爲睢陽太守巡以真源令起家致身節度副使皆大臣義當死而二公者兩典史耳睢陽雖圍困猶有李郭在井陘真卿在河北以分敵勢江陰獨以孤城當南北披靡之後拒貝勒全部之師其難易何如也惟天不弔有明草澤之寇盜竊神器天命有歸昇於

眞主入朝卽改葬莊烈帝后寬大之典史不勝載易代

江上孤忠錄

後序

之際伊古未有也而二公猶兢兢不事二君之義禽獮草薶而不悔嗚呼儻所謂其愚不可及者耶余嘗數至江陰邑人奉二公及訓導馮公爲三公祠至今凜凜有生氣求其遺事而不得嘗以爲憾乙未冬乃得江陰黃明曦所著江上孤忠錄於友人朱清黼其言頗冗雜不可讀乃纂而輯之以備觀覽云時道光十六年歲次丙

